

ხელშეკრულება N 2020/109
სახელმწიფო შესყიდვის შესახებ
(ელექტრონული ტენდერი NAT200008494)

ქ. თბილისი

„09“ ივლისი“ 2020 წ.

საქართველოს იუსტიციის სამინისტრო, შემდგომში წოდებული „შემსყიდველად“, წარმოდგენილი ეკონომიკური დეპარტამენტის უფროსის **ნინო გუგუნიშვილის** სახით და **შპს „იზი გრუპი“** შემდგომში წოდებული „მიმწოდებლად“, წარმოდგენილი დირექტორის **მიხეილ მჭედლიშვილის** სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - პირი, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6. „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ინსპექტირება“ - ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

ტონერიანი კარტრიჯები (CPV- 30125100).

3. ხელშეკრულების ღირებულება

- 3.1. ხელშეკრულების ღირებულება შეადგენს **7340.00 (შვიდი ათას სამას ორმოცი)** ლარს.
- 3.2. საქონლის რაოდენობა და ერთეულის ფასები მოცემულია ხელშეკრულების დანართ „ფასების ცხრილში“, რომელიც წარმოადგენს ამ ხელშეკრულების განუყოფელ ნაწილს.
- 3.3 ხელშეკრულების ღირებულება მოიცავს როგორც მისაწოდებელი საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

4. მხარეთა ვალდებულებები

4.1. მიმწოდებელი ვალდებულია:

ა) განახორციელოს საქონლის მიწოდება ხელშეკრულების გაფორმებიდან 30 კალენდარული დღის განმავლობაში, შემდეგ მისამართზე: თბილისი, გორგასლის ქ. 24^ა.

ბ) შეტყობინებიდან არაუგვიანეს 10 სამუშაო დღის განმავლობაში, საკუთარი ხარჯებით უზრუნველყოს ნებისმიერი საბეჭდი მოწყობილობის ან/და მისი ნაწილის ზიანის ანაზღაურება, იმ შემთხვევაში თუ მოწოდებული საქონლის მიზეზით მოხდება პრინტერების მუშაობის ხარისხის გაუარესება ან/და პრინტერების დეტალების დაზიანება.

გ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;

დ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2. შემსყიდველი ვალდებულია:

- ა) უზრუნველყოს ინსპექტირების განხორციელება;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. გარანტია

5.1. შესყიდვის ობიექტზე გარანტია ვრცელდება მიღება-ჩაბარების აქტის გაფორმებიდან 12 (თორმეტი) თვე (შენახვის პერიოდში), ხოლო შესყიდვის ობიექტის ექსპლუატაციაში შესვლიდან კარტრიჯის რესურსის სრულ ამოწურვამდე (საგარანტიო პერიოდში). შესყიდვის ობიექტის გახსნიდან და მის სრულ დაცლამდე ამობეჭდვისას არ უნდა გამოვლინდეს ხარვეზები: მაგ. წერტილები, თეთრი და შავი ზოლები და ა.შ კარტრიჯიდან არ უნდა იზნეოდეს საღებავი/ტონერი საბეჭდო მოწყობილობაში.

5.2. თუ საგარანტიო პერიოდის განმავლობაში საქონლის ექსპლუატაციისას გამოვლინდება დეფექტი ან/და ნაკლი, მიმწოდებელი ვალდებულია შემსყიდველის შეტყობინებიდან 5 დღეში უზრუნველყოს დეფექტის აღმოფხვრა საკუთარი ხარჯით, ან/და საქონლის ჩანაცვლება ახალი, ექსპლუატაციაში არ მყოფი ანალოგიური პარამეტრების მქონე საქონლით.

6. ინსპექტირება

6.1. შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.

6.2. ინსპექტირებას განახორციელებენ საქართველოს იუსტიციის სამინისტროს ეკონომიკური დეპარტამენტის მატერიალურ-ტექნიკური უზრუნველყოფის სამმართველოს უფროსის მოვალეობის შემსრულებელი - ზაზა გურასპაშვილი ან/და ამავე სამმართველოს სპეციალისტები - მაია ხუცურაული, მარი მაისურაძე და თამარ სხიერელი რომელთაც შეუძლიათ ინსპექტირების განხორციელება როგორც ინდივიდუალურად, ისე ერთობლივად.

6.3. შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

6.4. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ ექსპლუატაციის ნორმების დაცვის შემთხვევაში საგარანტიო პერიოდში საქონელს აღმოაჩნდება წუნი, მიმწოდებელი ვალდებულია შეტყობინებიდან 5 დღეში უზრუნველყოს გამოსწორება წუნი ან ჩანაცვლოს დაზიანებული საქონელი ახლით.

7. საქონლის მიღება-ჩაბარების წესი

7.1. საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლის ხელმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

8. ანგარიშსწორება

8.1. ანგარიშსწორება განხორციელდება შემდეგი პირობებით:

- ა) ანგარიშსწორების ვალუტა - ლარი;
- ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

გ) დაფინანსების წყარო: 2020 წლის სახელმწიფო ბიუჯეტი.

8.2. შემსყიდველი იღებს ვალდებულებას გადაუხადოს მიმწოდებელს მიღებული მომსახურების ღირებულება მიღება-ჩაბარების აქტის გაფორმებიდან და თუ მიმწოდებელი დღგ-ს გადამხდელია, საგადასახადო ანგარიშ-ფაქტურის წარმოდგენიდან, ხოლო თუ მიმწოდებელი არ არის დღგ-ს გადამხდელი, შემოსავლების სამსახურიდან შესაბამისი ცნობის წარმოდგენიდან 15 (თხუთმეტი) დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

8.3. შემსყიდველი უფლებამოსილია დაკისრებული პირგასამტეხლოს თანხა (ასეთის არსებობის შემთხვევაში) დააკავოს მიმწოდებელზე გადასარიცხი თანხიდან.

9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1. წინამდებარე ხელშეკრულების 4.1 პუნქტის „ა“ ქვეპუნქტით განსაზღვრული საქონლის მიწოდების ვადის გადაცილების შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე მიუწოდებელი საქონლის ღირებულების 0.2%-ის ოდენობით.

10.2. წინამდებარე ხელშეკრულების 6.4 პუნქტით გათვალისწინებული პირობების დარღვევის შემთხვევაში მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.2%-ის ოდენობით.

10.3. წინამდებარე ხელშეკრულების 8.2 პუნქტით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე გადაუხდელი თანხის 0.02%-ის ოდენობით.

10.4. იმ შემთხვევაში, თუ ვადაგადაცილებული დღეების რაოდენობა აღემატება 5 დღეს, შემსყიდველი იტოვებს უფლებას ცალმხრივად შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების ჯამური ღირებულების 5%-ის ოდენობით.

10.5. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

11. ხელშეკრულებაში ცვლილებების შეტანა

11.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლის ხელმოწერით.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2. თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

13. ხელშეკრულების შეწყვეტა

13.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

13.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

14.1. წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2020 წლის 30 სექტემბრის ჩათვლით.

14.2. ხელშეკრულების მე-5 მუხლი ძალაშია მთელი საგარანტიო პერიოდის განმავლობაში.

15. ფორს-მაჟორი

15.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება ფაქტობრივი ხელმოწერის შემთხვევაში შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი – შემსყიდველს.

17. მხარეთა რეკვიზიტები:

შემსყიდველი:

მიმწოდებელი:

საქართველოს იუსტიციის სამინისტრო,
წარმოდგენილი ეკონომიკური დეპარტამენტის
უფროსის ნინო გუგუნიშვილის სახით,
მისამართი: ქ. თბილისი, გორგასლის ქ. #24ა,
ტელეფონი: 240-59-37,
საბანკო რეკვიზიტები:
ანგ. NGE24NB0330100200165022,
სახელმწიფო ხაზინა, კოდი: TRESGE22,
ს/კ – 203845349

შპს „იზი გრუპი“,
წარმოდგენილი დირექტორის
მიხეილ მჭედლიშვილის სახით,
მისამართი : ქ. თბილისი, მირიან მეფეს ქ., N 23, ბ. 20,
ტელეფონი: 5555111660,
საბანკო რეკვიზიტები: ანგ. №GE46TB7419836080100004 ,
ს/ს თიბისი ბანკი, კოდი: TBCBGE22,
სკ - 405307047

ფასების ცხრილი

№	დასახელება	წარმოშობის ქვეყანა/მწარმოებელი	მოდელი	რაოდენობა	ერთეულის ღირებულება	ჯამური ღირებულება
1	კარტრიჯი HP LJ 1536 პრინტერთან თავსებადი	ჩინეთი / Chinamate Technology Co., ltd	CE278A	150	13	1950
2	კარტრიჯი HP LJ 134 პრინტერთან თავსებადი	ჩინეთი / Chinamate Technology Co., ltd	CF233A	50	13	650
3	კარტრიჯი Lexmark MX910 პრინტერთან თავსებადი	ჩინეთი / Chinamate Technology Co., ltd	MX910	20	197	3940
4	კარტრიჯი HP LJ Pro 400 color პრინტერთან თავსებადი, შავი	ჩინეთი / Chinamate Technology Co., ltd	CE410A	5	40	200
5	კარტრიჯი HP LJ Pro 400 color პრინტერთან თავსებადი, ყვითელი	ჩინეთი / Chinamate Technology Co., ltd	CE412A	5	40	200
6	კარტრიჯი HP LJ Pro 400 color პრინტერთან თავსებადი, ლურჯი	ჩინეთი / Chinamate Technology Co., ltd	CE411A	5	40	200
7	კარტრიჯი HP LJ Pro 400 color პრინტერთან თავსებადი, წითელი	ჩინეთი / Chinamate Technology Co., ltd	CE413A	5	40	200
სულ ღირებულება (ლარი)				7340		

* შემოთავაზებული კარტრიჯები არის ქარხნული წესით დამზადებული, არ არის ექსპლუატაციაში ნამყოფი და აღდგენილი, შეესაბამება საბეჭდი მოწყობილობის მწარმოებლის მიერ გაცემულ პარამეტრებს (სიგანე, სიღრმე, სიმაღლე, ბეჭდვის რესურსი და ა.შ.) და სტანდარტებს, საქონელი შეფუთულია მწარმოებლის ბრენდირებულ კოლოფში, კოლოფზე ქარხნულად დაბეჭდილი/დატანებულია მწარმოებელი და მოდელი. კარტრიჯს შეფუთვაზე ფალსიფიცირებული პროდუქციისაგან დაცვის მიზნით გააჩნია მწარმოებლის ლოგოტიპიანი ჰოლოგრამა და უნიკალური კოდი ან სერიული ნომერი, რომლის საშუალებითაც მწარმოებლის საიტზე უნდა მოწმდება კარტრიჯი. შეფუთვის მთლიანობის დარღვევის შემთხვევაში შემსყიდველი უფლებამოსილია არ მიიღოს საქონელი და დაუბრუნოს მიმწოდებელს. პრეტენდენტის მიერ მოწოდებული საქონელი არ უნდა იწვევდეს პრინტერების მუშაობის ხარისხის გაუარესებას და პრინტერების დეტალების დაზიანებას, წინააღმდეგ შემთხვევაში მიმწოდებელი ვალდებულია საკუთარი ხარჯებით უზრუნველყოს ნებისმიერი საბეჭდი მოწყობილობის ან/და მისი ნაწილის ზიანის ანაზღაურება, შეტყობინებიდან არაუგვიანეს 10 სამუშაო დღის განმავლობაში.

*მესამე პოზიციაზე შემოთავაზებული ლექსმარკის კარტრიჯები და "Imagin Unit"-ები უნდა იყოს ერთდროულად თავსებადი მოცემულ პრინტერზე.